



溫州圖書館藏

WENZHOU LIBRARY



温州市图书馆

WENZHOU LIBRARY

00618



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

温州市图书馆藏  
温州市图书馆藏  
温州市图书馆藏



温州市图书馆

WENZHOU LIBRARY

駱賓王集卷上

賦

螢火賦

余猥以明時又遭幽藝見一葉之已落知四運  
之將終悽然客之為心乎悲哉秋之為氣也光  
陰無幾時事如何大塊是勞生之機小智非周  
身之務嗟乎綈袍匪舊白首如新誰明公冶之  
非孰辨臧倉之愆是用中宵而作達旦不瞑覩  
茲流螢之自明哀此覆盆之難照夫類同而心  
異者龍蹲歸而宋樹伐質殊而聲合者魚形出



温州市图书馆

WENZHOU LIBRARY

而吳石鳴苟有會於精靈夫何患於異類况乘  
時而變含氣而生雖造化之不殊亦昆蟲之一  
物應節不愆信也與物不競仁也逢昏不昧智  
也避日不明義也臨危不懼勇也事有公情而  
動興因物而多懷感而賦之聊以自廣云耳  
伊玄功之播氣有丹鳥之賦象順陰陽而亭毒  
資變化而涵養每寒潛而暑至若知來而藏往  
既發揮以外融亦含光而內朗若夫小暑南收  
大火西流林塘改夏雲物迎秋忽凌虛而赴遠  
乍排叢而出幽如火色之宵映如夜光之暗投

逝將歸而未返。忽欲去而中留。入槐榆而焰發。若改燧而環周。繞堂皇而影遍。疑秉燭以嬉遊。點綴懸珠之網。隱映落星之樓。乍滅乍興。或聚或散。居無定所。習無常翫。曳影周流。飄光凌亂。泛艷乎池沼。徘徊乎林岸。狀火井之沉熒。似明珠之出漢。值衝飈而不烈。逢淫雨而逾煥。炤灼兮若湛盧之夜飛。灼爍兮像招搖之夕爛。與庭燎而相炫。然重陰於已昏。共爝火而齊息。避太陽於始旦。爾其光不周物。明足自資。偶仙鼠而伺夜。對飛蛾之赴熿。類君子之有道。入暗室而

不欺同至人之無迹。懷明義以應時。處幽不昧。居照斯晦。隨隱顯而動息。候昏明而進退。委性命於幽玄。任物理於推遷。化腐木而含彩。集枯草而藏煙。不貪熱以苟進。每和光而曲全。豈如鎔金而自鑠。寧學膏火之相煎。陋蟬蛻之習蛻。怵螻蟻之慕羶。匪傷蜉蝣之夕。不羨龜鶴之年。槍榆飛而控地。搏扶起而垂天。雖小大之殊品。豈逍遙之異筌。夫何化之斯化。無使然而自然。若乃有來斯通。無往不至。排朱門而獨遠。昇青雲而自致。匪偷光於鄰壁。寧假輝於陽燧。終徇

已以致能靡因人而成事物有感而情動迹或  
均而心異響必應之於同聲道固求之於同類  
始未明於趨捨庸詎識其指意子尚不知魚之  
爲樂吾又安知螢之爲利高明兮有融遷變兮  
無窮哀牛倏而化虎羽泉忽兮生熊血三年而  
藏碧魂一變而成虹知戰場之有憐悟冤獄之  
爲蟲彼翮飛之弱質尚矯翼而凌空何微生之  
多躋獨宛頸以觸籠異壁光之照廡同劒影之  
埋豐覬道迷而可復庶幽鑿而或通覽光華而  
自照顧形影以相弔感秋夕以殷憂歎宵行之

熠燿熠燿飛兮絕復連殷憂積兮明且煎見流  
光之不息愴驚魂之屢遷如過隙兮已矣同奔  
電兮忽焉儻餘光之可照庶寒灰之重然

蕩子從軍賦

胡兵十萬起妖氛漢騎三千掃陣雲隱隱地中  
鳴戰鼓迢迢天上出將軍邊沙遠離風塵氣塞  
草長萎霜露文蕩子辛苦十年行回首關山萬  
里情遠天橫劍氣邊地聚笳聲鐵騎朝常警銅  
焦夜不鳴抗左賢而列陣屯右校以䟽營滄波  
積凍連蒲海雨雪疑寒遍柳城若乃地分玄微

路指青波邊城暖氣從來少關塞寒雲本自多  
嚴風凜凜將軍樹苦霧蒼蒼太史河旣拔距以  
從軍且揚麾而挑戰征旆凌沙漠戎衣犯霜霰  
樓船一舉爭沸騰烽火四連相隱見戈文耿耿  
懸落星馬足駸駸擁飛電終取俊而先鳴豈論  
功而後殿征夫行樂踐榆溪倡婦銜怨坐空閨  
靡蕪舊曲終難贈芍藥新詩豈易題池前怯對  
鴛鴦伴庭際羞看桃李蹊花有情而獨笑鳥無  
情而恒啼蕩子別來年月久賤妾空閨更難守  
鳳凰樓上罷吹簫鸚鵡杯中寧勸酒聞道書來

一鴈飛此時絨怨下鳴機裁鴛帖夜被薰麝染  
春衣屏風宛轉蓮花帳窓月聆朧翡翠帷箇日  
新粧如復罷祗應含笑待君歸

雜詩

夏日遊德州贈高四

并序

夫在心爲志發言爲詩詩有不得盡言言有不  
得盡意僕少負不羈長逾虛誕讀書頗存涉獵  
學劍不待窮工進不能矯翰龍雲退不能棲神  
豹霧撫循諸已深覺勞生而太夫人在堂義須  
捧檄固仰長安而就日赴帝鄉以望雲雖文闕

三冬而書勞十上、嗟乎、入門自媚、誰相謂言致、  
使君門隔於九重、中堂遠於千里、旣而交非得、  
免路是亡羊、敬上弊廬、搗來初服、遂得載披玉、  
葉、欵洽金蘭、傾意氣於一言、締風期於千祀、雖、  
交因氣合、資得意以敦交、道契言忘、少寄言而、  
筌道、是以輕投木李、以代䟽麻、章句繁蕪、心神、  
媿慙、庶、雅韻竚辱、報章則覲、連星開龍文、  
於劒匣、素輝虧月、頻驪頷於珠胎、云爾、  
日觀鄰全趙、星臨俯舊吳、隔津開巨寢、稽阜鎮、  
名都、紫雲浮劒匣、青山孕寶符、封疆恢霸道、問、

鼎競雄圖神光包四大皇威震八區風煙通地  
 軸星象正天樞天樞限南北地軸殊鄉國闢門  
 通舜賓比屋封堯德言謝垂鈎隱來叅負鼎職  
 天子不見知羣公詎相職未展從東駿空戢圖  
 南翼時命欲何言撫膺長歎息歎息將如何遊  
 人意氣多白雲梁山曲寒風易水歌泣魏傷吳  
 起思趙切廉頗淒斷韓王劔生死程公羅羅  
 程公意劔負韓王氣驕餌去易論忌途良可畏  
 夙昔懷江海平生混涇渭千載契風雲一言忘  
 賤貴去去訪林泉空谷有遺賢言投爵里刺來

泛野人船締交君贈縞投分我忘筌成風郢匠  
斲流水伯牙絃牙絃忘道術漳濱恣閑逸聊安  
張蔚廬詎掃陳蕃室虛室狎招尋敬愛混浮沉  
一諾黃金信三復白珪心霜松貞雅節月桂朗  
冲襟靈臺萬頃濬學府九流深談玄明毀壁拾  
紫陋羸金鷺濤開碧海鳳彩綴詞林林虛星華  
映水澈霞光淨霞水兩分紅川源四望通霧卷  
天山靜煙消太史空鳥聲流向薄蝶影亂芳叢  
柳陰低槩水荷氣上薰風風月芳菲節物華紛  
可悅將歡促席賞遽爾又歸別積水帶吳門通

波連禹穴贈言雖欲盡機心庶應絕潘岳本自  
閑梁鴻不因熱一飄欣狎道三月聊棲拙棲拙  
隱金華狎道訪仙查放曠愚公谷消散野人家  
一頃南山豆五色東陵瓜野衣裁薜葉山酒酌  
藤花白雲離望遠青溪隱路賒儻憶幽巖桂猶  
異折䟽麻

於紫雲觀贈道士

并序

余鄉國一辭江山萬里昔年離別還同塞北之  
鳧今日歸來即似遼東之鶴先生情均得免忘  
筌之契已深路是三年分岐之恨逾切不題短

什何汰裘襟

碧落澄秋景玄門啓曙關人

疑列禦至客似令威還羽蓋徒欣仰雲車未可攀只應傾玉醴時許寄顏顏

在江南贈宋五之問

并絡雙源濬陽侯九派長淪波通地穴委輸下  
歸塘別島籠朝蜃連洲擁夕漲韞珠成積潤讓  
璧動浮光浮光疑折水積潤踈圓止玉輪涵地  
開劍匣連星起風煙標迥秀英靈信多美懷德  
踐遺芳端操慙謀已謀已謬觀光牽迹強恹惶  
揆拙迷三雀勞生昧雨忘彈隋空歛笑獻楚自

多傷一朝殊默語千里暴炎涼炎涼幾遷質川  
陸疲臻湊積水架吳濤連山橫楚岫風月雖殊  
昔星河猶是舊姑蘇望南浦邯鄲通北斗北斗  
平生親南浦別離津瀟湘一超忽洞庭多苦辛  
秋江無綠芷寒汀有白蘋采之將何遺故人漳  
水濱漳濱已遼遠江潭未旋返爲聽短歌行當  
想長洲苑露金薰芻岸風珮搖蘭坂蟬鳴稻葉  
秋鴈起蘆花晚晚秋雲日明亭臯風霧清獨負  
平生氣空牽搖落情占星非聚德夢月詎懸名  
寂寥傷楚奏淒斷泣秦聲秦聲懷舊里楚奏悲

無已跋路小叢臺叢臺富奇士溫輝凌愛日壯  
氣驚寒水一願重風雲三冬足文史文史盛紛  
綸京洛多風塵猶輕五車富未重一囊貧李仙  
非易託蘇鬼曲難因不惜勞歌盡誰爲聽陽春

浮查并序

遊目川上觀一浮查泛泛然若木偶之乘流迷  
不知其所適也觀其根柢盤屈枝幹扶踈大則  
有棟梁舟楫之材小則有輪轆榱桷之用非夫  
稟乾坤之秀氣含宇宙之淳精孰能負凌雲槩  
日之姿抱積雪封霜之骨向使懷材幽藪藏穎

重巖絕望於巖廊之榮遺形於斤斧之患固可  
垂蔭萬畝懸映九霄與建木較其短長將大椿  
齊其年壽者而委根險岸託質畏途上爲疾風  
衝飈所摧殘下爲奔浪迅波所激射基由壤括  
勢以地危豈盛衰之理繫乎時封植之道存乎  
我一墜泉谷萬里飄淪與波浮沉隨時逝止雖  
殷仲文歎生意已盡孔宣父知朽質難彫然而  
遇良工逢仙客牛礪可託玉璜之路非遙匠石  
先談萬乘之器何遠故材與不用時也悲夫然  
知萬物之相應感者亦奚必同聲同氣而已哉

感而賦詩貽諸同疾云爾

昔負千尋質高臨九仞峯貞心凌晚桂勁節掩  
寒松忽值風飈折坐爲波浪衝摧殘空有恨擁  
腫遂無庸渤海三千里泥沙幾萬重似舟飄不  
定如梗泛何從仙客終難託良工豈易逢徒懷  
萬乘器誰爲一先容

在獄詠蟬

并序

余禁所禁垣西是法廳事也有古槐數株焉雖  
生意可知同殷仲文之古樹聽訟斯在即周邵  
伯之甘棠每至夕照低陰秋蟬踈引發聲幽息

有切嘗聞豈人心異於曩時將蟲響悲於前聽  
嗟乎聲以動容德以象賢故潔其身也稟君子  
達人之高行蛻其皮也有仙都羽化之靈姿候  
時而來順陰陽之數應節爲變審藏用之機有  
目斯開不以道昏而昧其視有翼自薄不以俗  
厚而易其真吟喬樹之微風韻資天縱飲高秋  
之墜露清畏人知僕失路艱虞遭時微纏不衰  
傷而自怨未搖落而先衰聞蟋蟀之聲悞平  
反之已奏見蟾螂之抱影怯危機之未安感而  
綴詩貽諸知己庶情泐物應衰弱羽之飄零道

寄人知憫餘聲之寂寞非謂文墨取代幽憂  
西陸蟬聲唱南冠客思侵那堪玄鬢影來對白  
頭吟露重飛難進風多響易沉無人信高潔誰  
爲表予心

艷情代郭氏荅盧照鄰

迢迢芊路望芝田眇眇函關恨蜀川歸雲已落  
涪江外還鴈應過洛水瀍洛水傍連帝城側帝  
宅層臺垂鳳翼銅駝路上柳千條金谷園中花  
幾色柳葉園花處處新洛陽桃李應芳春妾向  
雙流窺石鏡君住三川守玉人此時離別那堪

道此日空牀對芳沼芳沼徒遊比目魚幽徑還  
生拔心草流風迴雪儻便娟驥子魚文實可憐  
擲果河陽君有分貨酒成都妾亦然莫言貧賤  
無人重莫言富貴應須種綠珠猶得石崇憐飛  
燕曾經漢皇寵良人何處醉縱橫直如循默守  
空名倒提新縑成慊慊翻將故劒作平平離前  
吉夢成蘭兆別後啼痕上竹生別日分明相約  
束已取宜家成誠勗當時擬弄掌中珠豈謂先  
摧庭際玉悲鳴五里無人問腸斷三聲誰爲續  
思君欲坐望夫臺端居懶聽將雛曲沉沉落日

向山低簷前歸燕並頭棲抱膝當窓聽夕兔側  
耳空房聽晚雞舞蝶臨階祗自舞啼鳥逢人亦  
助啼獨坐傷孤枕春來悲更甚蛾眉山上月如  
眉濯錦江中霞似錦錦字迴文欲贈君劒壁層  
峯自糾紛平江森森分青浦長路悠悠間白雲  
也知京洛多佳麗也知山岫遙虧蔽無那短封  
即踈索不在長情守期契傳聞織女對牽牛相  
望重河隔淺流誰分迢迢經兩歲誰能脉脉待  
三秋情知唾井終無理情知覆水也難收不復  
下山能借問更向盧家字莫愁

代女道士王靈妃贈道士李榮

玄都五府風塵絕碧海三山波浪深桃實千年  
非易待桑田一變已難尋別有仙居對三市金  
闕銀宮相向起臺前鏡裏伴仙娥樓上簫聲隨  
鳳史鳳樓迢遞絕塵埃鶯時物色正徘徊靈芝  
紫檢參差長仙桂丹花重疊開雙童綽約時遊  
陟三鳥聯翩報消息盡言真侶出遨遊傳道風  
光無限極輕花委砌惹裾香殘月窺窓覘幌色  
箇時無數併妖妍箇裏無窮恣可憐別有衆中  
稱黜帝天上人間少流例洛濱仙駕啓遙源淮

浦靈津符遠筮自言少小慕幽玄只言容易得  
神仙佩中邀勒經時序簫裏尋思復幾年尋思  
許事真情變二八容華識少選漫道燒丹止七  
飛空傳化石曾三轉寄語天上弄機人寄語河  
邊值查客乍可忽忽共百年誰使遥遥期七夕  
想知人意自相尋果得深心共一心一心一意  
無窮已投漆投膠非足擬只將羞澁當風流持  
此相憐保終始相憐相念倍相親一生一代一  
雙人不投丹心比玄石誰將濁水况清塵只言  
柱下留期信好欲將心學松薜不能京兆畫娥

眉翻向成都騁騶引青牛紫氣度靈關尺素絕  
 鱗去不還連苔上砌無窮綠修竹臨壇幾處斑  
 此時空牀難獨守此日別離那可久梅花如雪  
 柳如絲年去年來不自持初言別在寒偏在何  
 悞春來春更思春時物色無端緒雙枕孤眠誰  
 分許分念嬌鸚一種啼生憎燕子千般語朝雲  
 旭日照青樓暉暉麗色滿皇州落花泛泛浮靈  
 沼垂柳長長拂御溝御溝大道多奇賞侯客妖  
 容遞來往寶騎車花鐵作錢香輪驚水珠為網  
 香輪寶騎競繁華可憐今夜宿倡家鸚鵡杯中

温州府公館

WENZHOU LIBRARY

浮竹葉鳳凰琴裏落梅花許輩多情偏送款爲  
問春花幾時滿千回鳥信說衆諸百過鸚啼說  
長短長短衆諸判不尋千回百過浪關心何曾  
舉意西鄰玉未肯留情南陌金南陌西鄰咸自  
保還轡歸期須及早爲想三春狹斜路莫辭九  
折卽關道假令白里似長安使青牛學劒端  
蘋風入馭來應易竹杖成龍去不難龍駮去去  
無消息鸞鏡朝朝減容色君心不記下山人妾  
欲空期上林翼上林三月鴻欲稀華表千年鶴  
未歸不分淹留乘路待祇應直取桂輪飛

春霽早行

年華開早律霽色蕩芳晨城闕于門曉山河四  
望春御溝通太液戚里對平津寶瑟調中婦金  
壘引上賓劇談推曼倩驚坐揖陳遵意氣一言  
合風期萬里親自惟安直道守拙忌因人談器  
非先木圖榮異後薪柳榆慙路鬼憔悴切波臣  
玄草終疲漢烏裘幾滯秦生涯無歲月岐路有  
風塵還嗟太行道處處白頭新

秋日山行簡梁大官

乘馬陟層阜迴首睇山川攢峯銜宿霧疊巘架

寒煙百重含翠色一道落飛泉香吹分巖桂鮮  
雲抱石蓮地偏心易遠致默體逾玄得性靈遊  
刃忘言已棄筌彈冠勞巧拙結綬倦牽纏不如  
從四皓丘中鳴一絃

晚度天山有懷京邑

忽上天山路依然想物華雲疑上苑葉雪似御  
溝花行嘆戎麾遠坐令衣帶賒交河浮絕塞弱  
水浸流沙旅思徒漂梗歸期未及瓜寧知心斷  
絕夜夜泣胡笳

晚泊河曲

三秋倦行役千里泛歸潮  
通波竹箭水輕舸木蘭橈  
金堤連曲岸貝闕影浮橋  
水淨千年近星飛五老遙  
疊花開宿浪浮葉下涼飈  
浦荷踈晚的津柳漬寒條  
恹惶勞梗泛悽斷倦蓬飄  
仙查不可託河上獨長謠

晚泊蒲類

二庭歸望斷萬里客心愁  
山路猶南屬河源自北流  
晚風連朔氣新月照邊秋  
竈火通軍壁烽煙上戍樓  
龍庭但苦戰燕頷會封侯  
莫作蘭山下空令漢國羞

晚渡黃河

千里尋歸路一葦亂平源  
通波連馬頰迸水急  
龍門照日榮光渾  
驚風瑞浪翻棹唱臨風斷  
樵謳入聽喧岸迥秋霞落  
潭深夕霧繁誰堪逝川  
上日暮他鄉魂

早發淮口望盱眙

養蒙分四瀆習坎奠三荆  
徒帝留餘地封王表  
舊城岸昏溼蜃氣潮滿應  
雞聲洲迥連沙靜川  
虛積溜明一朝從捧檄  
千里倦懸旌背流桐栢  
遠逗浦木蘭輕小山迷  
隱路大塊切勞生唯有

負心在獨映寒潭清

渡瓜步派

捧檄辭幽徑鳴榔下貴洲  
驚濤疑躍馬積氣似連牛  
月迥黃沙淨風急夜江秋  
不學浮雲影他鄉空滯流

遠使海曲春夜多懷

長嘯三秋晚端居萬慮盈  
未安蝴蝶夢遽切魯禽情  
別島連寰海離魂斷戍城  
流星疑伴使明月似依營  
懷祿寧期遠牽時匪徇名  
艱虞行已遠時迹自相驚

晚泊江鎮

四運移陰律三翼泛陽侯荷香銷晚夏菊氣入  
新秋夜烏喧粉堞宿鴈下蘆洲海霧籠邊徼江  
風繞戍樓轉蓬驚別渚逃名謝蟻丘還嗟帝鄉  
遠空望白雲浮

早發諸暨

征夫懷遠路夙駕上危巒薄煙橫絕巘輕凍澁  
迴湍野霧連空暗山風入曙寒帝城臨灞涘禹  
穴枕江干橘性行應化蓬心去不安獨掩窮途  
淚長歌行路難

馬宿三套卷一  
途中有懷

睠然懷楚奏，悵矣背秦關。  
涸鱗驚照轍，墜羽怯虛鸞。  
素服三川化，烏裘十上還。  
莫言無皓齒，時俗薄朱顏。

晚憇田家

轉蓬勞遠役，披薜下田家。  
山形類九折，江勢急三巴。  
懸梁接斷岸，澁路擁崩查。  
霧巖淪曉魄，風淅漲寒沙。  
心迹一朝舛，關山萬里賒。  
龍章徒表越，閩俗本非華。  
旅行悲泛梗，離贈斷踈麻。  
唯有寒潭菊，獨似故園花。

宿山庄

金陵一超忽，玉燭幾還周。  
露積吳臺草，風入郢門楸。  
林虛宿斷霧，磴險挂懸流。  
拾青非漢策，緇化類秦裘。  
牽迹猶多蹇，勞生未寡尤。  
獨此他鄉夢，空山明月秋。

出石門

層巖遠接天，絕嶺上棲煙。  
松低輕蓋偃，藤細弱鈎懸。  
石明如挂鏡，苔分似列錢。  
暫策爲龍杖，何處得神仙。

至分陝

陝西開勝壤邵南分沃疇列樹巢維鵲平渚下  
睢鳩憩棠疑勿剪曳葛似攀樛至今王化美非  
獨在隆周

至分水戍

行役忽離憂復此愴分流濺石迴湍咽繁叢曲  
澗幽陰崖常結晦宿莽竟含秋况乃霜晨早寒  
風入戍樓

過張平子墓

西鄂該通理南壇德音玉卮浮藻麗銅渾積  
思深忽懷今日昔非復昔時今日往豐碑閣風

來古木吟唯歎窮泉下終鬱羨魚心

北眺春陵

攬轡疲宵邁驅馬倦晨興既出封泥谷還過避  
雨陵山行明照上谿宿密雲蒸登高徒欲賦詞  
殫獨撫膺

望鄉夕泛

歸懷到不安促榜犯風瀾落宿舍樓近浮月帶  
江寒喜逐行前志憂從望裏寬今夜南枝鵲應  
無繞樹難

久客臨海有懷

天涯非日觀地岷望星樓練光搖亂馬劒氣上  
連牛草濕姑蘇夕葉下洞庭秋欲知悽斷意江  
上涉安流

遊交部逢孔君自衛來欣然相遇若舊  
遊人自衛反客背隔淮來傾蓋金蘭合忘筌玉  
葉開繁花明日柳踈葢落風梅將期重交態時  
慰不然灰

西京守歲

閑居寡言晏獨坐慘風塵忽見嚴冬盡方知列  
宿春夜將寒色去年共曉光新耿耿他鄉夕無

由展舊親

海曲書情

薄游倦千里勞生負百年未能查上漢詎肯劒  
遊燕白雲照春海青山橫曙天江濤讓雙壁渭  
水擲三錢坐惜風光晚長歌獨塊然

行軍軍中行路難

君不見封狐雄虺自成羣憑深負固結妖氛玉  
璽分兵徵惡少金壇授律動將軍將軍擁旄宣  
廟略戰士橫戈靜夷落長駟一息背銅梁直指  
三危登劒閣閣道迢迢起戍樓劒門遙裔俯靈

丘叩關九折無平路江水雙源有急流征役無  
期返他鄉歲月晚杳杳丘陵出蒼蒼林薄遠途  
危紫蓋峯路澁青泥坂去去指哀牢行行入不  
毛絕壁千里險連山四望高中外分區宇夷夏  
殊風土交趾枕南荒昆彌臨北戶川源饒毒霧  
谿谷多淫雨行潦四時流崩崖千歲古漂梗飛  
蓬不暫安捫藤引葛陟危巒昔時聞道從軍樂  
今日方知行路難滄江淥水東流駛炎洲丹徼  
南中地南中南斗映星河秦關秦塞阻煙波三  
春邊地風光少五月瀘川瘴癘多朝驅疲斥候

夕息倦樵歌向月寧繁弱連星轉太阿重義輕  
生懷一顧東征西伐凡幾度夜夜朝朝斑鬢新  
年年歲歲戎衣故灞城隅滇池水天涯望轉積  
地際行無已徒覺炎涼節物非不知關山千萬  
里棄置勿重陳征行多苦辛且悅清笳梅柳曲  
詎憶芳園桃李人絳節紅旗分日羽丹心白刃  
酬明主但令一被君王知誰憚三邊征戰苦行  
路難幾千端無復歸雲憑短翰空餘望日想長  
安

邊城落日

紫塞流沙北黃圖灞水東一朝辭俎豆萬里逐  
沙蓬候月恒持滿尋源屢鑿空野昏邊氣合烽  
迴戍煙通奮力風塵倦疆場歲月窮河流控積  
石山路遠崆峒壯氣凌蒼兕精誠貫白虹君恩  
如可報龍劍有雌雄

蓬萊鎮

旅客春心斷邊城夜望高野樓疑海氣白鷺似  
江濤結綬疲三入承冠泣二毛將飛憐弱羽欲  
濟乏輕舠賴有陽春曲窮愁且代勞

在軍登城樓

城上風威冷江中水氣寒戎衣何日定歌舞入  
長安

宿温城望軍營

虜地寒膠折邊城夜拆聞兵符關帝闕天策動  
將軍戍靜胡笳徹沙明楚練分風旗翻翼影霜  
劔轉龍文白羽搖如月青山斷若雲煙踈疑卷  
被塵滅似銷氛投筆懷班業臨戎想顧勲還應  
雪漢耻持此報明君

白雲抱幽石

重巖抱危石幽澗曳輕雲繞鎮仙衣動飄蓮羽

馬履三卷一  
十一  
蓋分錦色連花靜苔光帶葉薰詎知吳會影長  
抱穀城文

和孫長史秋日臥病

霍地踈天府潘園近帝臺調絃三婦至置驛五  
侯來尚想歡娛洽吁嗟歲月催金壇分上將玉  
帳引瓌材決勝鯨波靜騰謀鳥谷開白雲淮水  
外紫陌灞陵隈節變驚衰柳笳繁思落梅調神  
和玉燭挾藻握珠胎悵矣欣懷土居然欲厄灰  
還因承雅曲暫喜躍沉鯁

和士風四月八日題七級

化城分鳥堞香閣俯龍川  
複棟侵黃道重簷架  
紫煙銘書非晉代壁畫是梁年  
霸畧今何在王宮尚巋然  
二帝曾遊聖三卿是偶賢  
昔茲遊勝侶超彼託良緣  
我出有爲界君登非想天  
悠悠青曠裏蕩蕩白雲前  
今日經行處曲號蓋煙

春雲處處生

千里年光靜四望春雲生  
暫日祥光舉踈雲瑞  
葉輕蓋陰籠迥樹陣影抱危城  
非將吳會遠飄蕩帝鄉情

早秋出塞寄東臺詳政學士

促駕逾三水長驅望五原天街分斗極地理接  
 樓煩溪月明關隴胡雲聚塞垣山川殊物候風  
 壤異涼温戍古秋塵冷沙寒宿霧繁昔余迷學  
 步投迹忝詞源延蘭閣蓬山欵禁園影纓  
 陪紱冕載筆偶瓊璫及塚寧羣蠹秦牢詎辨寃  
 一朝從篚服千里駕輕軒鄉夢隨魂斷邊聲入  
 聽喧南圖終歛翮北上遽摧轅弔影慙連茹浮  
 生倦觸藩數竒何以託桃李自無言昔遊海湖  
 鄭安陽入蜀畫長采平羅畧今何王  
 彭山折坂外井絡少城隈地是三巴俗入非百

温州市图书馆

WENZHOU LIBRARY

里才長途君悵望別路我徘徊心賞風煙隔容  
華歲月催遙遙分鳳野去去轉龍媒遺錦菲前  
邑鳴琴即舊臺劒門千仞起石路五丁開海客  
乘查渡仙童馭竹迴魂將離鶴遠思逐斷猿哀  
唯有雙鳧飛去復飛來

駱賓王集卷上

谷真王集卷上

胡雲聚

延南閣

不詞源

偶與

雙長

童鳩

蕭臺

鳳理

金



温州市图书馆

WENZHOU LIBRARY

駱賓王集卷下

雜詩

在軍中贈先還知己

蓬轉俱行役  
瓜時獨未還  
魂迷金闕路  
望斷玉門關  
獻凱多慙霍  
論封幾謝班  
風塵催白首  
歲月損紅顏  
落鴈低秋塞  
驚鳧起暝灣  
胡霜如劔  
鏗漠月似刀  
環別後  
邊庭樹  
相思幾度攀

同辛簿簡仰酬思玄上人林泉四首

聞君招隱地  
髣髴武陵春  
緝艾知還楚  
披榛似避秦  
崩杳年祀積  
幽草歲時新  
一謝滄浪水  
安

知有逸人

芳晨臨上月幽賞狎中園有蝶堪成夢無羊可

觸藩忘懷南澗藻蠲思北堂萱坐歎華滋歇思

君誰為言

林泉恣探歷風景暫徘徊客有遷鶯處人無結

駟來聚花如薄雪沸水若輕雷今日徒招隱終

知異鑿坏

俗遠風塵隔春還初服遲林疑中散地人似上

皇時芳杜湘君曲幽蘭楚客詞山中有春草長

似寄相思卷下

夏日夜憶張二

伏枕憂思深擁膝獨長吟烹鯉無尺素筌魚勞  
寸心踈麻空有折芳桂湛無斟廣庭含夕氣閑  
宇澹虛陰織蟲垂夜砌驚鳥棲暝林驩娛百年  
促羈病一生侵詎堪孤月夜流水入鳴琴

和李明府

傳聞葉縣履飛向洛陽城馳道臨層掖津門對  
小平霞殘疑製錦雲度似飄纓藻揆潘江澈塵  
虛范甑清詎憐衝斗氣猶向匣中鳴

望月有所思

馬...  
九秋涼風蕭千里月華開圓光隨霧湛碎影逐  
波來似霜明玉砌如鏡寫珠胎曉色依關近邊  
聲雜吹哀離居分照耀怨緒共徘徊自繞南飛  
羽空忝北堂木

寓居洛濱對雪憶謝二

旅思眇難裁衝飈限易衰曠望洛川晚飄飄瑞  
雪來積彩明書帳流韻繞琴臺色奪迎仙羽花  
避犯靈梅謝庭賞方逸素扉掩未開高人儻有  
訪興盡詎須迴

秋日送陳文林陸道士

青牛遊華岳赤馬走吳宮玉桂離鴻怨金壘浮  
蟻空日霽峻陵雨塵起洛陽風唯當玄度月千  
里與君同

送鄭少府入遼

邊烽警榆塞俠客度桑乾柳葉開銀鏑桃花照  
玉鞍滿月臨弓影連星入劍端不學燕丹客空  
歌易水寒

送費六還蜀

星樓望蜀道月破指吳門萬行流別淚九折切  
驚魂雪影含花落雲陰帶葉昏還當三徑晚獨

對一清尊

秋日別侯四

我留安豹隱君去學鵬搏歧路分襟易風雲促  
膝難夕漲流波急秋山落日寒惟有思歸引悽  
斷為君彈

秋日送尹大赴京

挂瓢余隱舜負鼎爾干湯竹葉鸞尊滿桃花別  
路長低河耿秋色落月抱寒光素書如可嗣幽  
谷竚賓行

秋夜送閻五

通庄抵舊里溝水泣新知斷雲飄易滯連露積  
難披素風啼迴蝶驚月繞踈枝無力勵短翰輕  
舉送長離

送吳七遊蜀

日觀分齊壤星橋抵蜀門桃花嘶別路竹葉瀉  
離尊夏盡蘭猶茂秋深柳尚繁霧銷山望迥風  
高野聽喧勞歌徒欲奏贈別竟無言唯有當秋  
月空照野人園

送王明府上京參選

振衣遊紫府飛蓋背青田虛心恒警露孤影尚

凌煙離歌悽妙曲別引繞繁絃在陰如可和清  
響會聞天

秋日送別

寂寥心事晚搖落歲時秋共此傷年髮相看惜  
去留當歌應破涕哀命返窮愁別後能相憶東  
陵有故侯

於易水送人一絕

此地別燕丹壯髮上衝冠昔時人已沒今日水  
猶寒

西行別東臺詳正學士

意氣坐相親，關河別故人。  
客似秦川上，歌從易水濱。  
塞荒行辨玉，臺遠尚名綸。  
洩井懷邊將，尋源重漢臣。  
上苑梅花早，御溝楊柳新。  
只應持此曲，別作邊城春。

別李嶠得勝字

芳尊徒自滿，別恨轉難勝。  
客似遊江岸，人疑上灞陵。  
寒更承夜永，涼景向秋澄。  
離心何以贈，自有玉壺冰。

在兗州餞宋五之問

淮尾泗水地，梁甫汶陽東。  
別路青驪遠，離尊綠

馬冠三集卷一  
五  
蟻空柳寒凋密翠棠晚落踈紅別後相思曲悽  
斷入琴風

春晚從李長史遊開道林故山

幽尋極幽壑春望陟春臺雲光棲斷樹靈影入  
仙杯古藤依格上野徑約山隈落葉翻風去流  
鶯滿樹來興闌荀御動歸路起浮埃

遊靈公觀

靈峯標勝境神府枕通川玉殿斜臨漢金堂迥  
架煙斷風踈晚竹流水切寒絃別有清門外空  
懷玄圃仙

夏日遊山家同夏少府

返照下層岑物外狎招尋  
蘭徑薰幽佩槐庭落  
暗金谷靜風聲徹山空  
月色深一遣樊籠累唯  
餘松桂心

和王記室從趙王春日遊脩山寺

鳥旆陪訪道鷺嶺洽棲真  
四禪明靜業三空廣  
勝因祥河踈疊澗惠日皎  
重輪葉暗龍宮密花  
明鹿苑春彫談筌奧旨妙  
辨漱玄津雅曲終難  
和徒自奏巴人

冬日野望

馬定三集卷二  
故人無與晤安步陡山椒野靜連雲卷川明斷  
霧銷靈巖聞曉籟洞浦漲秋潮三江歸望斷千  
里故鄉遙勞歌徒自奏客魂誰爲招

夏日遊日聊作

暫屏囂塵累言尋物外情致逸心逾默神幽體  
自輕浦夏荷香滿田秋麥氣清詎假滄浪上將  
濯楚臣纓

同崔駙馬曉初登樓思京

麗譙通四望繁憂起萬端綺踈低晚魄鏤檻蕭  
初寒白雲鄉思遠黃圖歸路難唯餘西向笑暫

似當長安

初秋登司馬樓宴

展驥端居暇登龍嘉宴同締賞三清滿承懽六  
義通野晦寒陰積潭虛夕照空顧慙非夢鳥濫  
此厠彫蟲

初於六宅宴

千里風雲契一朝心賞同意盡深交冷神靈俗  
累空草帶銷寒翠花枝發夜紅唯將淡若水長  
揖古人風

春夜韋明府宅宴

酌桂陶芳夜披薜嘯幽人雅琴馴魯雉清歌落  
范塵宿雲低迥蓋殘月上虛輪幸此承恩洽聊  
當故鄉人

冬日宴

二三物外友一百杖頭錢賞洽袁公地情披樂  
令天促膝鸞觴滿當爐獸炭然何須攀桂樹逢  
此自留連

鏤雞子

幸遇清明節欣逢舊練人刻花爭臉態寫月競  
眉新暈罷空餘月詩成併道春誰知懷玉者含

響未吟晨

詠雲酒

朔空曾紀曆帶地舊疏泉色泛臨碭瑞香流赴  
蜀仙欸交欣散玉洽友悅沉錢無復中山賞空  
吟吳會篇

詠美人在天津橋

美女出東鄰容與在天津動衣香滿路移步襪  
生塵水下看粧影眉頭畫月新寄言曹子建箇  
是洛川神

夕次舊吳

維舟皆楚服振策下吳畿盛德弘三讓雄圖枕  
九圍黃池通霸業赤壁暢戎威文物俄遷謝英  
靈有盛衰行歎鴟夷沒遽惜湛盧飛地古煙塵  
暗年深館宇稀山川四望是人事一朝非懸劍  
空留信亡珠尚識機鄭風遙可託關月眇難依  
西北雲逾滯東南氣轉微徒懷伯通隱多謝買  
臣歸唯有荒臺路薄暮濕征衣

過故宋

舊國千年盡荒城四望通雲浮非隱帝日舉類  
遊童綺琴朝化洽祥石夜論空馬去遙奔鄭蛇

分近帶豐池文歛束水竹影漏寒叢園兔承行  
月川避斷風故宋誠難定從梁事未工唯當  
過周客獨愧吳臺空

傷祝阿王明府

并序

夫心之悲矣非關春秋之氣聲之哀也豈移金  
石之音何則事感則萬緒興端情應則百憂交  
軫是以宣尼舊館流襟動激楚之悲孟嘗高臺  
承睫下聞琴之淚祝阿王明府毓德丹穴襲吉  
黃裳靈基峙金闕之峯層源瀨玉輪之坂旣而  
鴻飛漸陸將騁平與之龍鶴鳴在陰爰絳朝歌

之驥乃當名縣闕月德貫陳星豈徒遽切夢瓊  
掩沉連石嗟乎輪銷桂魄驪珠毀貝闕之前斗  
散紫氛龍劍沒延平之水某昔承嘉惠曲荷恩  
光留連嘯歌從容風月撫心陳迹泣血漣如然  
而始終者萬物之大歸生死者百年之常分雖  
則知理之可有而未曉情之可無聊綴悲歌敢  
貽同好諸君或締交三益列宰一司或叶契筌  
蹄投心膠漆如比肩於千里遽傷蒐於九原旣  
切芝焚彌深蕙歎盍言四始同賦七哀庶蘭室  
流薰襲遺芳而化德故蓬申拙效庸音於起予

觸目多懷周增流動空身  
洛川真氣上重泉惠政融含章先後列繼武  
前雄契與良難驗生涯忽易窮翔鳧猶在履狎  
雉尚馴童錢滿荒階綠塵浮虛帳紅夏餘將宿  
草秋近未驚蓬煙晦泉門夕日遠夜臺空誰堪  
孤隴外獨聽白楊風  
風壘為詠懷古意上裴侍郎  
三十二餘罷鬢是潘安仁四十九仍入年非朱  
買臣縱橫愁繫越坎壈倦遊秦出籠窮短翮委  
轍涸枯鱗  
一不用彈鋏欲誰申天子未驅

策歲月幾沉淪輕生長慷慨效死獨慙懃徒歌  
易水客空老渭川人一得視邊塞萬里何苦辛  
劔匣胡霜影弓開漢月輪金方動秋色鐵騎想  
風塵爲國堅誠款捐軀志賤貧勒功思比憲決  
略暗欺陳若不犯霜雪虛擲玉京春

詠懷

少年識事淺不知交道難一言芬若桂四海臭  
如蘭寶劔思存楚金鎚許報韓虛心徒有託循  
迹諒無端太息關山險吁嗟歲月闌忘機殊會  
俗守拙異懷安阮籍空長嘯劉琨獨未權十步

庭芳斂三秋隴月團槐踈非盡意松晚夜凌寒  
悲調絃中急窮愁醉裏寬莫將流水引空向俗  
人彈

邊夜有懷

漢地行逾遠燕山去不窮城荒猶築怨碣毀尚  
銘功古戍煙塵滿邊庭人事空夜闌明隴月秋  
塞急胡風倚伏良難定榮枯豈易通旅魂勞泛  
梗離恨斷征蓬蘇武封猶薄崔駟官不工惟餘  
北叟意欲寄南飛鴻

又戍邊城有懷京邑

擾擾風塵地，遑遑名利途。盈虛一易舛，心迹兩  
難俱。弱齡小山志，寧期大丈夫。九微光賁玉，千  
仞忽彈珠。棘寺游三禮，蓬山遙八儒。懷欽慙後  
進，投筆願前驅。北走非通趙，西之似化胡。錦車  
朝促候，刁斗夜傳呼。戰士青絲絡，將軍黃石符。  
連星入寶劍，半月上彫弧。拜井開踈勒，鳴桴動  
密須。戎機習短蔗，祿授靜長榆。季月炎初盡，邊  
亭草早枯。層陰籠古木，窮色變寒蕪。海鶴聲嘹  
唳，城烏尾畢逋。葭繁秋引色，桂滿夕輪孤。行役  
風霜久，鄉園夢想孤。灞池遙夏國，秦海望陽紆。

沙塞二千里京城十二衢楊溝連鳳闕槐路擬  
鴻都璧殿規宸象金堤法斗樞雲浮西北蓋月  
照東南隅寶帳垂連理銀牀轉鹿盧廣筵留上  
客豐饌引中廚漏緩金徒箭嬌繁玉女壺秋濤  
飛玉馬春水泛仙臚意氣風雲合言忘道術趨  
共矜名已泰詎肯沫相濡有志慙彫朽無庸類  
散樗關山漸超忽形倦歎艱虞結網空知羨圖  
榮豈自誣忘情同塞馬比德類宛駒隴阪肝腸  
絕陽關亭隴迂迷蒐驚落鴈離恨斷飛鳧春去  
榮華盡年來歲月無邊愁傷郢調鄉思繞吳歛

河氣通中國山途限外區相思若可寄冰泮有  
街蘆

幽繫書情通簡知已

昔歲逢陽曆觀光賁楚材穴疑丹鳳起場似白  
駒來一命淪騷餌三緘慎禍胎不言勞倚伏忽  
此遘迢迴駉馬刑章峻蒼鷹獄吏猜爭縑非易  
辯疑璧果難裁擦拙慙周道端憂滯夏臺生涯  
一滅裂歧路幾徘徊青陸芳春動黃沙旅思催  
園扉長寂寂疎網尚恢恢入扉先搖尾迷津正  
曝顛覆盆徒望日蟄戶未驚雷霜歇蘭猶敗風

多木屢摧地幽蠶室閉門靜雀羅開自憫秦寃  
痛誰憐楚奏哀漢陽窮鳥客梁甫臥龍才有氣  
還衝斗無時會鑿坏莫言韓長孺長作不然灰  
寒夜獨坐遊子多懷簡知已

故鄉眇千里離憂積萬端鷄服長悲碎蝸廬未  
卜安富鈞徒有想貧缺爲誰彈柳秋風葉脆荷  
晚露文團晚金叢岸菊餘佩下幽蘭伐木傷心  
易維乘歸去難獨有孤明月時照客庭寒

憲臺出紮寒夜有懷

獨坐懷明發長誼若未安自應迷北叟誰肯問

南冠生死交情異，殷憂歲序闌。空餘朝夕鳥，相伴夜啼寒。

月夜有懷簡諸同病

閑庭落景盡，踈簾夜月通。山靈響似應，水淨望如空。棲枝猶繞鵲，遵渚未來鴻。可歎高樓婦，悲思杳難終。

叙寄貞半干

薄宦三河道，自負十餘年。不應驚若厲，祇爲直如絃。坐歷山川險，吁嗟陵谷遷。長吟空抱膝，短翮詎冲天。魂歸滄海上，望斷白雲前。釣名勞拾

紫隱跡自談玄不學多能聖徒思鴻寶仙斯志  
良難已此道豈徒然嗟爲刁筆吏恥從繩墨牽  
歧路情雖狎人倫地本偏長揖謝時事獨往訪  
林泉寄言二三子生死不來旋

憶蜀地佳人

東西吳蜀關山遠魚來鴈去兩難聞莫怪常有  
千行淚只爲陽臺一片雲

送郭少府探得憂字

開筵抗德水輟棹艤仙舟貝闕桃花浪龍門竹  
箭流當歌悽別曲對酒泣離憂還望青門外空

見白雲浮

錢駱四二首

平生何以樂斗酒夜相逢曲中驚別緒醉裏失  
愁容星月懸秋漢風香入曙鍾明月臨溝水青  
山幾萬重甲子驅車入良宵秉燭遊人追  
竹林會酒獻菊花秋霜吹飄無已星河漫不流  
重嗟歡賞地翻召別離憂

送宋五之問得涼字

願言遊泗水支離去二道術君所篤筌蹄余  
自忘雪威侵竹冷秋爽帶池涼欲驗離襟切歧

路在他鄉

冬日過故人任處士書齋

神交尚投漆虛室罷遊蘭網積窓文亂苔深履  
迹殘雪明書帳冷水靜墨池寒獨此琴臺上流  
水爲誰彈

南對塵灰

西校王業彈

對水煙調

洛川流雅韻秦道擅苛威聽歌梁上動應律管  
中飛光飄神女襪影落羽人衣願言心未翳終  
冀效輕微

秋晨同淄州毛司馬秋九詠

紫陌炎氣歇青蘋晚吹浮亂竹搖踈影縈池織  
細流飄香曳舞袖帶泛粧樓不分君恩絕紈  
扇曲中秋

秋雲

南陸銅渾改西郊玉葉輕泛搖光動臨瑞

色明蓋陰連鳳闕陣影翼龍城誰知時不遇空

傷流滯情

秋蟬

九秋行已暮一枝聊暫安隱榆非諫楚噪柳異  
悲潘分形粧薄鬢鏤影飾危冠自憐踈影斷寒

林夕吹寒

秋露

玉關寒氣早金塘秋氣歸泛掌光逾靜添荷滴  
尚微變霜凝曉液承月委圓輝別有吳臺上應  
濕楚臣衣

秋月

雲披玉繩淨月滿鏡輪圓裛露珠暉冷凌霜桂  
影寒漏彩含踈薄浮光漾急瀾西南徒自賞南  
飛終未安

秋水

金闕寒流徹玉輪秋浪清圖雲錦色淨寫月練  
花明泛曲鷗絃動隨軒鳳轄驚唯當御溝上棲  
斷送歸情

秋螢  
玉虬分靜夜金螢照晚涼含輝凝泛月帶火怯

凌霜散彩縈虛牖飄花繞洞房下帷如不倦當  
解惜餘光

秋菊  
擢秀三秋晚開芳十步中分黃俱笑日含翠共

搖風碎影含流動浮香隔岸通金翹徒可泛玉

竿竟誰同

秋鴈

聯翩辭海曲遙曳指江干陣去金河冷書歸玉  
塞寒帶月凌空易迷煙逗浦難何當同顧影刷  
羽泛清瀾

詠照

寫月無芳桂照月有花菱不持光謝水翻將影  
學水

挑燈杖

稟質非貪熱焦心豈憚熬終知不自潤何處用

脂膏

詠水

列名通地紀，踈派合天津。  
波隨月色淨，態逐桃花春。  
照霞如隱石，映柳若沉鱗。  
終當挹上善，屬意淡交人。

詠鴈

唼藻蒼梧遠，銜蘆紫塞長。  
霧深迷晚景，風急斷秋行。  
陣照通宵月，書封幾夜霜。  
無復能鳴分，空知愧稻梁。

詠雪

龍雲玉葉上鶴雪瑞花新影亂銅烏吹光銷玉  
馬津含輝明素篆隱迹表祥輪幽蘭不可儷徒  
自繞陽春

詠塵

凌波起羅襪含風染素衣別有知音調聞歌應  
自飛

棹歌行

寫月圖黃罷凌波拾翠通鏡花搖艾日衣麝入  
荷風葉露舟難蕩蓮踈浦易空鳳媒羞自託鴛  
翼恨難窮秋帳燈光翠倡樓粉色紅相思無別

曲併在棹歌中

荷風葉王昭君

歛容辭豹尾絨怨度龍鱗金鈿明漢月玉筩染

胡塵古鏡菱花暗愁眉柳葉顰唯有清笳曲時

聞芳樹春

翫初月風染素木恨音晴聞

忌滿光恒缺乘昏影暫流自能明似鏡何用曲

如鈎

詠鵝雜言時年七歲

鵝鵝曲項向天歌白毛浮綠水紅掌撥青波

行路難

君不見玉關塵色暗邊庭  
銅鞮雜虜寇長城  
天子按劍徵餘勇  
將軍受脤事橫行  
七德龍韜開  
玉帳千里鼉鼓疊  
金鉦陰山苦霧埋  
高壘交河  
孤月照連營  
連營去去無窮極  
擁旆遙遙過絕  
國陣雲朝結  
晦天山寒沙夕漲  
迷踈勒龍鱗  
水上開魚貫  
馬首山前振鷗翼  
長驅萬里讐  
祁連分麾三命武功宣  
百發烏號遙碎柳  
七尺龍文  
迥照蓮春來  
秋去移灰琯  
蘭閨柳市芳塵斷  
鴈門迢迢尺書稀  
鴛鴦被相思  
雙帶緩行路難  
誓令

氛侵靜臯蘭但使封侯龍額貴詎隨中婦鳳樓

寒

駱賓王集卷下





温州市图书馆

WENZHOU LIBRARY





温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY